

左
氏
條
貫

左氏條貫卷十

長洲曹

基德培編次

門人張

兼念凌
典懷鞠
叅訂

秦

秦穆公

僖公九年

晉卻芮使夷吾重賂秦以求入曰人寔有國我何

愛焉入而能民土于何有從之齊隰朋帥師會秦師納

晉惠公秦伯謂卻芮曰公子誰恃對曰臣聞亡人無黨

有黨必有讎夷吾弱不好弄能鬪不過長亦不改不識

其他公謂公孫枝曰夷吾其定乎對曰臣聞之唯則定

國詩曰不識不知順帝之則文王之謂也又曰不僭不

賊鮮不爲則無好無惡。不思不克之謂也。今其言多忌。刻難哉。公曰。忌則多怨。又焉能克。是吾利也。

僖公十年

鄭之如秦也。言于秦伯曰。呂甥郤稱冀芮。寔爲不從。若重問以召之。臣出晉君。君納重耳。蔑不濟矣。冬。秦伯使冷至報問。且召三子。郤芮曰。幣重而言甘。誘我也。遂殺平鄭。祁舉及七輿大夫左行。共華右行。賈華叔堅。雖猷。累虎特宮。山祁皆里平之黨也。平豹

平鄭子

奔秦。言于秦

伯曰。晉侯背大主而忌小怨。民弗與也。伐之必出。公曰。失衆焉能殺。違禍誰能出君。

僖公十年

晉荐飢。使乞糴。

于秦。秦伯謂子桑

公孫枝

與諸乎。對曰：重施而報，君將何

求。重施而不報，其民必攜攜而討焉。無衆必敗，謂百里

與之乎。對曰：天災流行，國家代有。救災恤鄰，道也。行道

有福。平鄭之子豹在秦，請伐晉。秦伯曰：其君是惡，其民

何罪。秦于是乎輸粟于晉。自雍及絳，相繼命之曰：汎舟

之役。

僖公十四年

秦飢，使乞糴于晉。晉人弗予。慶鄭曰：背

施無親。幸災不仁，貪愛不祥，怒鄰不義。四德皆失，何以

守國。虢射曰：皮之不存，毛將安傅。慶鄭曰：弃信背鄰，患

孰恤之。無信患作，失援必斃，是則然矣。虢射曰：無損于

怨而厚于寇不如勿與慶鄭曰背施幸災民所弃也近
猶讎之况怨敵乎弗聽退曰君其悔是哉

僖公十五年

侯公

惠之入也秦穆姬屬賈君焉

獻公妃穆姬女

且曰盡納羣公

子晉侯烝于賈君又不納羣公子是以穆姬怨之晉侯
許賂中大夫既而皆背之賂秦伯以河外列城五東盡
虢畧南及華山內及解梁城既而不與晉飢秦輸之粟
秦飢晉閉之糴故秦伯伐晉卜徒父筮之吉涉河侯車
敗

晉侯之車壞

詰之對曰乃大吉也三敗必獲晉君其卦遇

蠱曰千乘三去三去之餘獲其雄狐夫狐蠱必其君也

蠱之貞風也。其悔山也。歲云秋矣。我落其寔而取其材。所以克也。寔落材亡。不敗何待。三敗及韓。晉侯謂慶鄭曰。寇深矣。若之何。對曰。君寔深之。可若何。公曰。不孫。卜右慶鄭吉。弗使步揚御戎。家僕徒爲右。乘小駟。鄭入也。慶鄭曰。古者大事。必乘其產生。其水土而知其人心。安其教訓而服習其道。唯所納之。無不如志。今乘異產。以從戎事。及懼而變。將與人易。亂氣狡憤。陰血周作。張脉僨興。外強中乾。進退不可。周旋不能。君必悔之。弗聽。九月。晉侯逆秦師。使韓簡視師。復曰。師少于我。關士倍我。

公曰何故對曰。出因其資。入用其寵。飢食其粟。三施而無報。是以來也。今又擊之。我怠。秦奮倍。猶未也。公曰。一夫不可狃。況國乎。遂使請戰。曰。寡人不佞。能合其衆而。不能離也。君若不還。無所逃命。秦伯使公孫枝對曰。君之未入。寡人懼之。入而未定。列猶吾憂也。苟列定矣。敢不承命。韓簡退曰。吾幸而得囚。壬戌。戰于韓原。晉戎馬還。寧而止。公號慶鄭。慶鄭曰。愎諫違卜。固敗。是求又何逃焉。遂去之。梁由靡御。韓簡號射。爲右。輅也。秦伯將止之。鄭以救公。誤之。遂失秦伯。秦獲晉侯。以歸。晉大夫反。

首髮垂拔舍

拔草舍止

從之。秦伯使辭焉曰：「二三子何其感也。」

寡人之從君而西也，亦晉之妖夢是踐，豈敢以至晉大
夫三拜稽首曰：「君履后土而戴皇天，皇天后土，寔聞君
之言。羣臣敢在下風。」穆姬聞晉侯將至，以犬子瑩弘與
女簡璧登臺而履薪焉。使以兔服衰經逆，且告曰：「上天
降災，使我兩君匪以玉帛相見，而以興戎。若晉君朝以
入，則婢子夕以死；夕以入，則朝以死。唯君裁之。」乃舍諸
靈臺。大夫請以入，公曰：「獲晉侯以厚歸也。旣而喪歸焉，
用之大夫，其何有焉？」且晉人感憂以重我，天地以要我。

不圖晉憂重其怒也。我食吾言。背天地也。重怒難任。背天不祥。必歸晉君。公子繫曰。不如殺之。無聚慝焉。子桑曰。歸之而質其大子。必得大成。晉未可滅。而殺其君。祇以成惡。且史佚有言曰。無始禍。無怙亂。無重怒。重怒難任。陵人不祥。乃許晉平。晉侯使卻乞告瑕呂飴甥。即呂且召之子金。呂甥字教之言曰。朝國人而以君命賞。且告之曰。孤雖歸。辱社稷矣。其卜貳圉也。惠公子懷公衆皆哭。晉于是乎作爰田。呂甥曰。君亡之不恤。而羣臣是憂。惠之至也。將若君何。衆曰。何爲而可。對曰。征繕以輔孺子。諸

侯聞之。喪君有君。羣臣輯睦。甲兵益多。好我者勸。惡我者懼。庶有益乎。衆說晉于是乎作州兵。初。晉獻公筮嫁伯姬于秦。遇歸妹之睽。史蘇占之曰。不吉。其繇曰。士判羊亦無益也。女承筐亦無貺也。西鄰責言不可償也。歸妹之睽猶無相也。震之離亦離之震。爲雷爲火。爲羸敗。姬車說其輶。火焚其旗。不利行師。敗于宗丘。歸妹睽孤。寇張之弧。姪其從姑。六年其遁。逃歸其國。而奔其家。明年其死于高梁之虛。及惠公在秦。曰。先君若從史蘇之占。吾不及此矣。韓簡侍曰。龜象也。筮數也。物生而後有。

象。象。而。後。有。滋。滋。而。後。有。數。先。君。之。敗。德。及。可。數。乎。史
蘇。是。占。勿。從。何。益。詩。曰。下。民。之。孽。匪。降。自。天。傳。沓。背。憎。
職。競。由。人。十。月。晉。陰。飴。甥。會。秦。伯。于盟王。城。秦。伯。曰。晉
國。和。乎。對。曰。不。和。小。人。恥。失。其。君。而。悼。喪。其。親。不。憚。征
繕。以。立。圉。也。曰。必。報。讎。寧。事。戎。狄。君。子。愛。其。君。而。知。其
罪。不。憚。征。繕。以。待。秦。命。曰。必。報。德。有。死。無。二。以。此。不。和。
秦。伯。曰。國。謂。君。何。對。曰。小。人。感。謂。之。不。免。君。子。恕。以。爲。
必。歸。小。人。曰。我。毒。秦。秦。豈。歸。君。君。子。曰。我。知。罪。矣。秦。必。
歸。君。貳。而。執。之。服。而。舍。之。德。莫。厚。焉。刑。莫。威。焉。服。者。懷。

德貳者畏刑。此一役也。秦可以霸。納而不定。廢而不立。以德爲怨。秦不其然。秦伯曰：是吾心也。改館晉侯饋七牢焉。蛾析謂慶鄭曰：盍行乎？對曰：陷君于敗。敗而不死。又使失刑。非人臣也。臣而不臣。行將焉入？十一月，晉侯歸。丁丑，殺慶鄭而後入。是歲，晉又仇秦伯。又餽之粟。曰：吾怨其君而矜其民。且吾聞唐叔之封也。箕子曰：其後必大。晉其庸可冀乎？姑樹德焉。以待能者。于是秦始征晉河東，置官司焉。卽惠公許賂。僖公三。十年。晉侯秦伯圍鄭，以其無禮于晉，且貳于楚也。晉軍函陵，秦軍汜南。佚

之孤言于鄭伯曰國危矣若使燭之武見秦君師必退
公從之辭曰臣之壯也猶不如人今老矣無能爲也已
公曰吾不能早用子今急而求子是寡人之過也然鄭
亡子亦有不_利焉許之夜縋而出見秦伯曰秦晉圍鄭
鄭既知亡矣若亡鄭而有益于君敢以煩執事越國以
鄙遠君知其難也焉用亡鄭以陪益鄰鄰之厚君之薄
也若舍鄭以爲東道主行李之往來共其乏困君亦無
所害且君嘗爲晉君賜矣許君焦瑕朝濟而夕設版焉
君之所知也夫晉何厭之有既東封鄭又欲肆其西封

若不闕秦將焉用之。闕秦以利晉。唯君圖之。秦伯說。與鄭人盟。使杞子逢孫揚孫戍之。乃還。子犯請擊之。公曰。不可。微夫人指秦之力。不及此。因人之力而敝之。不仁。失其所與。不知。以亂易整。不武。吾其還也。亦去之。公信

三十杞子自鄭使告于秦曰。鄭人使我掌其北門之管。若潛師以來。國可得也。穆公訪諸蹇叔。蹇叔曰。勞師以襲遠。非所聞也。師勞力竭。遠主備之。無乃不可乎。師知所爲。鄭必知之。勤而無所必。有悖心。且行千里。其誰不知。公辭焉。召孟明西乞白乙。使出師于東門之外。蹇叔

哭之曰孟子吾見師之出而不見其入也公使謂之曰
爾何知中壽爾墓之木拱矣蹇叔之子與師哭而送之
曰晉人禦師必于殽殽有二陵焉其南陵夏后皋之墓
也其北陵文王之所辟風雨也必死是間余收爾骨焉
秦師遂東傳公三年春秦師過周北門左右免胄而下
超乘者三百乘王孫滿尚幼觀之言于王曰秦師輕而
無禮必敗輕則寡謀無禮則脫入險而脫又不能謀能
無敗乎及滑鄭商人弦高將市于周過之以乘韋先牛
十二犒師曰寡君聞吾子將步師出于敝邑敢犒從者

不腆敝邑爲從者之淹。居則具一日之積。行則備一夕之衛。且使遽驛告于鄭。鄭穆公使視客館。則束載厲。兵秣馬矣。使皇武子辭焉。曰。吾子淹久于敝邑。唯是脯資餼牽竭矣。爲吾子之將行也。鄭之有原圃。猶秦之有具囿也。吾子取其麋鹿以閒敝邑。若何。杞子奔齊。逢孫揚孫奔宋。孟明曰。鄭有備矣。不可冀也。攻之不克。圍之不繼。吾其還也。滅滑而還。晉原軫曰。秦違蹇叔而以貪勤民。天奉我也。奉不可失。敵不可縱。縱敵患生。違天不祥。必伐秦師。欒枝曰。未報秦施而伐其師。其爲死君乎。

先軫曰。秦不哀吾喪而伐吾同姓。秦則無禮。何施之爲。吾聞之一日縱敵。數世之患也。謀及子孫。可謂死君乎。

遂發命。遽興姜戎。子墨衰經。

子襄公也。文公未葬。故稱子以墨染其衰而加經。

梁弘御戎。萊駒爲右。夏四月辛巳。敗秦師于殽。獲百里。

孟明視。西乞術。白乙。丙以歸。遂墨以葬文公。晉于是始。

墨。文嬴請三帥。曰。彼實構吾二君。寡君若得而食之。不。

厭君何辱討焉。使歸就僇于秦。以逞寡君之志。若何。公。

許之。先軫朝問秦囚。公曰。夫人請之。吾舍之矣。先軫怒。

曰。武夫力而拘諸原。婦人暫而免諸國。墮軍寔而長寇。

夏四月辛巳
晉人及姜戎
敗秦于殽

讎亡無日矣。不顧而唾。公使陽處父追之。及諸河。則在舟中矣。釋左驂以公命贈孟明。孟明稽首曰。君之惠不以累臣。擊鼓使歸。就僇于秦。寡君之以爲僇。死且不朽。若從君惠而免之。三年將拜君。賜秦伯素服郊次。鄉師而哭曰。孤違蹇叔以辱二三子。孤之罪也。不替孟明。孤之過也。大夫何罪。且吾不以一眚掩大德。

公羊子曰。其謂之秦何。夷狄之也。曷爲夷狄之。秦伯將襲鄭。百里子與蹇叔子諫曰。千里而襲人。未有不亡者也。秦伯怒曰。若爾之年者。宰上之木拱矣。爾曷

知師出百里子與蹇叔子送其子而戒之曰爾卽死必于殽之歛嚴是文王之所辟風雨者也吾將尸爾焉子揖師而行百里子與蹇叔子從其子而哭之秦伯怒曰爾曷爲哭吾師對曰臣非敢哭君師哭臣之子也弦高者鄭商也遇諸殽矯以鄭伯之命而犒師焉或曰往矣或曰反矣然而晉人與姜戎要之殽而擊之匹馬隻輪無反者其言及姜戎何姜戎微也稱人亦者何言乎姜戎之微先軫也或曰襄公親之襄公親之則其稱人何貶曷爲貶君在乎殞而用

師危不得葬也。詐戰不曰此何以日盡也。

文公元、年、殺、之、役、晉、人、既、歸、秦、帥、秦、大、夫、及、左、右、皆、言、于、秦、

伯曰是敗也。孟明之罪也。必殺之。秦伯曰是孤之罪也。

周芮良夫之詩曰大風有隧。貪人敗類。聽言則對。誦言

如醉。匪用其良。覆俾我悖。是貪故也。孤之謂矣。孤實貪

以禍夫子。夫子何罪。復使爲政。文公二、年、春、秦、孟、明、視、帥、

師伐晉以報殺之役。二月晉侯禦之。先且居將中軍。趙

衰佐之。王官無地御戎。狐鞠居爲右。甲子及秦師戰于

彭衙。秦師敗績。晉人謂秦拜賜之師。秦伯猶用孟明

孟明增修國政重施于民趙成子趙衰言于諸大夫曰秦

師又至將必辟之懼而增德不可當也詩曰毋念爾祖

聿修厥德孟明念之矣念德不忘其可敵乎文公三年秦

伯伐晉濟河焚舟取王官及郊晉人不出遂自茅津濟

封殽尸而還遂霸西戎用孟明也君子是以知秦穆公

之爲君也舉人之周也與人之壹也孟明之臣也其不

解也能懼思也子桑公孫枝之忠也其知人也能舉善也

詩曰于以采蘋于沼于汙于以用之公侯之事秦穆有

焉夙夜匪解以事一人孟明有焉詒厥孫謀以燕翼子

子桑有焉。

文公四年

楚人滅江。秦伯爲之降服。出次不舉。

過數。大夫諫。公曰。同盟滅。雖不能救。敢不矜乎。吾自懼。

也。君子曰。詩云。惟彼二國。其政不獲。惟此四國。爰究爰

度。其秦穆之謂矣。

文公六年

秦伯任好。

穆公名

卒。以子車氏

之三子奄息。仲行。鍼虎爲殉。皆秦之良也。國人哀之。爲

之賦。黃鳥。君子曰。秦穆之不爲盟主也。宜哉。死而弃民。

先王違世。猶詒之法。而況奪之善人乎。詩曰。人之云亡。

邦國殄瘁。無善人之謂。若之何。奪之。古之王者。知命之

不長。是以並建聖哲。樹之風聲。分之采物。著之話言。爲

之律度。陳之藝極。引之表儀。予之法制。告之訓典。教之防利。委之常秩。道之禮則。使毋失其土宜。衆隸賴之。而後卽命聖王。同之今縱。無法以遺後嗣。而又收其良以死。難以在上矣。君子是以知秦之不復東征也。

文公十二年

秦爲令狐之役。故冬秦伯伐晉。取羈馬。晉人禦之。趙盾將中軍。荀林父佐之。郤缺將上軍。史駢佐之。欒盾將下軍。胥甲佐之。范無恤御戎。以從秦師于河曲。史駢曰。秦不能久。請深壘固軍。以待之。從之。秦人欲戰。秦伯謂士會曰。若何而戰。對曰。趙氏新出其屬。曰史駢必實爲。

此謀將以老我師也。趙有側室曰穿，晉君之壻也，有寵而弱不在也。涉軍事，好勇而狂，且惡與駢之佐上軍也。若使輕者肆焉，其可。秦伯以璧祈戰于河。十二月戊午，秦軍掩晉上軍。趙穿追之不及，反怒曰：「曩糧坐甲，固敵是求。敵至不擊，將何俟焉？」軍吏曰：「將有待也。」穿曰：「我不知謀，將獨出。」乃以其屬出。宣子曰：「秦獲穿也，獲一卿矣。秦以勝歸，我何以報？」乃皆出戰。交綏，秦行人夜戒晉師曰：「兩君之士皆未愁也，明日請相見也。」與駢曰：「使者目動而言肆，懼我也。將遁矣。薄諸河，必敗之。」胥甲趙穿當軍。

冬十有二月
戊午晉人秦
人戰于河曲

秦景公

門呼曰死傷未收而棄之不惠也不待期而薄人于險
無勇也乃止秦師夜遁復侵晉入瑕

公羊子曰此偏戰也何以不言師敗績敵也曷爲以
水地河曲疏矣河千里而一曲也

襄公九年

秦景公使士雅乞師于楚將以伐晉楚子許之子

囊曰不可當今我不能與晉爭晉君類能而使之舉不
失選官不易方其卿讓于善其大夫不失守其士競于
教其庶人力于農穡商工阜隸不知遷業韓厥老矣知
瑩寡焉以爲政范匄少子中行偃而上之使佐中軍韓

起少于樂厲而樂厲士魴上之。使佐上軍。魏絳多功。以
趙武爲賢而爲之佐。君明臣忠。上讓下競。當是時也。晉
不可敵。事之而後可。君其圖之。昭公秦后子恒公子
弟有寵于桓。如二君。于景其母曰。弗去懼。選數其癸卯。
鍼適晉。其車千乘。書曰。秦伯之弟鍼出奔晉。罪秦伯也。
罪其失教。后子享晉侯。造舟于河。十里舍八車自雍及絳。歸
取酬幣。終事八反。司馬侯女叔問焉。曰。子之車盡于此
而已乎。對曰。此之謂多矣。若能少此。吾何以得見女叔。
齊以告公。且曰。秦公子必歸。臣聞君子能知其過。必有

令圖。今圖天所贊也。后子見趙孟。趙孟曰。吾子其曷歸。
對曰。鍼懼選于寡君。是以在此。將待嗣君。趙孟曰。秦君
何如。對曰。無道。趙孟曰。亡乎。對曰。何爲。一世無道。國未
艾也。國于天地。有與立焉。不數世淫弗能斃也。趙孟曰。
天乎。對曰。有焉。趙孟曰。其幾何。對曰。鍼聞之。國無道而
年穀和熟。天贊之也。鮮不五稔。趙孟視蔭。景日朝夕不
相及。誰能待五。后子出而告人曰。趙孟將死矣。主民玩
歲而愒日。其與幾何。玩愒皆貪也。言執政爲民之主而貪玩歲日爲此不能終日之詞其

能久乎

左氏條貫卷十

男官賀校字

左氏條貫卷十一

長洲曹 基德培編次

門人張

兼念凌 典懷鞠 叅訂

晉

隱公 五年 曲沃莊伯以鄭人邢人伐翼 曲沃晉別封成師之邑莊伯成師子也

王使尹氏武氏助之翼侯奔隨 曲沃叛王秋王命號

公伐曲沃而立哀侯于翼 隱公六年 翼九宗五正頃父之

子嘉父逆晉侯于隨 翼晉舊都唐叔始封受懷姓九宗職官五正遂世為晉強家五正五

官之長九宗一姓為九族也嘉父晉大夫 納諸鄂晉人謂之鄂侯 桓公二年 初

晉穆侯之夫人姜氏以條之役生犬子命之曰仇其弟

晉昭侯封文侯之弟成師于曲沃晉始亂分為二翼曲沃

以千畝之戰生命之曰成師師服曰異哉君之名子也

夫名以制義義以出禮禮以體政政以正名是以政成

而民聽易則生亂嘉耦曰妃去聲怨耦曰仇古之命也今

君命大子曰仇弟曰成師始兆亂矣兄其替乎惠魯惠公

之二十四年晉始亂故封桓叔成師于曲沃靖侯之孫欒

賓傳之師服曰吾聞國家之立也本大而末小是以能

固故天子建國諸侯立家卿置側室大夫有貳宗士有

隸子弟庶人工商各有分親皆有等衰是以民服事其

上而下無覬覦今晉甸侯也而建國本既弱矣其能久

乎。惠之三十年，晉潘父弑昭侯。昭侯子文侯而納桓叔，不克。晉

人立孝侯。昭侯子惠之四十五年，曲沃莊伯伐翼，弑孝侯。

翼人立其弟鄂侯。鄂侯生哀侯，哀侯侵陘庭之田，陘庭

南鄙啓曲沃伐翼。八年曲沃滅翼莊公二年，晉桓莊桓叔之族

偪獻公，患之。士蔣曰：「去富子，則羣公子可謀也。」已，公曰：

「爾試其事。」士蔣為與羣公子謀，潛富子而去之。莊公二十六年

士蔣為大司空，夏士蔣為城絳，以深其宮。莊公二十七年

晉侯將伐虢，士蔣曰：「不可。虢公驕，若驟得勝于我，必弃

其民，無衆而後伐之，欲禦我，誰與？夫禮樂慈愛，戰所畜

也。夫民讓事樂和愛親哀喪而後可用也。號弗畜也。釅戰將飢。

莊公二十八年

晉獻公娶于賈無子。烝于齊姜。

武公妾。

生秦穆夫人及太子申生。又娶二女于戎。大戎狐姬生重耳。小戎子生夷吾。晉伐驪戎。驪戎男女以驪姬歸。生奚齊。其娣生卓子。驪姬嬖欲立其子。賂外嬖梁五與東關嬖五。使言于公曰。曲沃君之宗也。蒲與二屈君之疆也。不可以無主。宗邑無主。則民不威。疆場無主。則啓戎心。戎之生心。民慢其政。國之患也。若使太子主曲沃。而重耳夷吾主蒲與屈。則可以威民而懼戎。且旌君伐。使

俱曰狄之廣莫于晉爲都晉之啓土不亦宜乎晉侯說之夏使大子居曲沃重耳居蒲城夷吾居屈羣公子皆鄙唯二姬之子在絳二五卒與驪姬譖羣公子而立奚齊晉人謂之二五耦

閔公元年晉侯作二軍
莊公十六年僖王命曲沃

伯以一軍爲晉侯故今始作二軍公將上軍大子申生將下軍趙夙御

戎畢萬爲右以滅耿滅霍滅魏還爲大子城曲沃賜趙

夙耿賜畢萬魏以爲大夫士蔣曰大子不得立矣分之

都城而位以卿先爲之極又焉得立不如逃之無使罪

至爲吳大伯不亦可乎猶有令名與其及也且諺曰心

苟無暇何恤乎無家天若祚天子其無晉乎卜偃曰畢
萬之後必大萬盈數也魏大名也以是始賞天啓之矣
天子曰兆民諸侯曰萬民今名之大以從盈數其必有
衆初畢萬筮仕于晉遇屯之比辛廖占之曰吉屯固比
入吉孰大焉其必蕃昌震爲主車從馬足居之兄長之
毋覆之衆歸之六體不易合而能固安而能殺公侯之
卦也公侯之子孫必復其始

閔公二年

晉侯使太子申生

伐東山臯落氏里克諫曰太子奉冢祀社稷之粢盛以
朝夕視君膳者也故曰冢子君行則守有守則從從曰

撫軍守曰。監國古之制也。夫帥師專行謀誓軍旅。君與國政之所圖也。非大子之事也。師在制命而已。稟命則不威專命。則不孝。故君之嗣適不可以帥師。君失其官。帥師不威。將焉用之。且臣聞臯落氏將戰。君其舍之。公曰。寡人有子。未知其誰立焉。不對而退。見大子。大子曰。吾其廢乎。對曰。告之以臨民。教之以軍旅。不共是懼。何故廢乎。且子懼不孝。無懼弗得立。修己而不責人。則免于難。大子帥師。公衣之偏衣。半似公服佩之金玦。狐突御戎。先友爲右。梁餘子養御罕夷。先丹木爲右。羊舌大夫爲

尉先友曰。衣身之偏。握兵之要。在此行也。子其勉之。偏躬無憾。兵要遠灾。親以無灾。又何患焉。狐突歎曰。時事之徵也。衣身之章也。佩衷之旗也。故敬其事。則命以始。服其身。則衣之純。用其衷。則佩之度。今命以時。卒闕其事也。衣之龙服。遠其躬也。佩之金玦。弃其衷也。服以遠之時。以闕之。龙凉冬殺。金寒玦離。胡可恃也。雖欲勉之。狄可盡乎。梁餘子養曰。帥師者。受命于廟。受脤于社。有常服矣。不獲而龙命可知也。死而不孝。不如逃之。罕夷曰。龙奇無常。金玦不復。雖復何爲。君有心矣。先丹木曰。

是服也。狂夫阻之曰：盡敵而反，敵可盡乎？雖盡敵，猶有內讒，不如違之。狐突欲行，羊舌大夫曰：不可。違命不孝，弃事不忠。雖知其寒惡，不可取。子其死之。太子將戰，狐突諫曰：不可。昔辛伯諗周桓公云：內寵並后，外寵二政，嬖子配適，大都耦國，亂之本也。周公弗從，故及于難。今亂本成矣，立可必乎？孝而安民，子其圖之。與其危身以速罪也。

僖公二年

晉荀息請以屈產之乘與垂棘之璧假

道于虞，以伐虢。公曰：是吾寶也。對曰：若得道于虞，猶外府也。公曰：宮之奇存焉。對曰：宮之奇之爲人也，懦而不

能強諫。且少長于君。君暱之。雖諫。將不聽。乃使荀息假道于虞。曰。冀爲不道。入自顛軫。伐郟三門。冀之旣病。則亦唯君故。今號爲不道。保于逆旅。以侵敝邑之南鄙。敢請假道。以請罪于號。虞公許之。且請先伐號。宮之奇諫。不聽。遂起師。夏。晉里克荀息帥師會虞師伐號。滅下陽。先書虞。賄故也。號公敗戎于桑田。晉卜偃曰。號必亡矣。亡下陽。不懼。而又有功。是天奪之鑒。而益其疾也。必易晉而不撫其民矣。不可以五稔。

傳公四年初晉獻公欲

以驪姬爲夫人。卜之不吉。筮之吉。公曰。從筮。卜人曰。筮

短龜長不如從長。且其繇曰：專之渝，攘公之瑜。美一燕也。

一猶十年尚猶有臭，必不可弗聽。立之生奚齊，其娣生

卓子。及將立奚齊，既與中大夫克成謀。姬謂犬子曰：君

夢齊姜，必速祭之。犬子祭于曲沃，歸胙于公公田。姬寘

諸宮六日，公至，毒而獻之。公祭之地，地墳與犬。犬斃，與

小臣小臣亦斃。姬泣曰：賊由犬子。犬子奔新城。公殺其

傅杜原款，或謂犬子。子辭，君必辨焉。犬子曰：君非姬氏，

居不安，食不飽。我辭，姬必有罪。君老矣，吾又不樂。曰：子

其行乎？犬子曰：君寔不察其罪，被此名也。以出人，誰納？

我十二月戊申縊于新城。姬遂譖二公子曰：「皆知之。」重耳奔蒲。夷吾奔屈。

僖公五年

初，晉侯使士蔿爲二公子築

蒲與屈，不愼，寘薪焉。夷吾訴之，公使讓之。士蔿稽首而對曰：「臣聞之：無喪而慙，憂必讎焉；無戎而城，讎必保焉。寇讎之保，又何愼焉？守官廢命，不敬固讎之保，不忠失忠與敬，何以事君？」詩云：「懷德惟寧，宗子維城。」君其修德而固宗子，何城如之？三年將尋師焉，焉用愼退而賦曰：「狐裘虺茸，一國三公。吾誰適從？及難，公使寺人披伐蒲。」重耳曰：「君父之命，不校。」乃徇。曰：「校者，吾讎也。」踰垣而走。

披斬其袂遂出奔翟。晉侯復假道于虞以伐虢。宮之奇諫曰：「虢虞之表也。虢亡虞必從之。晉不可啓，寇不可玩。一之爲甚，其可再乎？」諺所謂輔車相依，唇亡齒寒者，其虞虢之謂也。公曰：「晉吾宗也，豈害我哉？」對曰：「大伯虞仲，犬王之昭也。大伯不從，是以不嗣。虢仲虢叔，王季之穆也。」言虢與虞同爲晉宗爲文王卿士，勲在王室，藏于盟府。將虢是滅，何愛于虞？且虞能親于桓莊乎？其愛之也。桓莊之族何罪，而以爲僂？不唯僂乎？親以寵僂，猶尚害之，況以國乎？公曰：「吾享祀豐潔，神必據我。」對曰：「臣聞之：鬼神非

人寔親惟德是依。故周書曰：皇天無親，惟德是輔。又曰：黍稷非馨，明德惟馨。又曰：民不易物，惟德繫物。如是，則非德，民不和，神不享矣。神所馮依，將在德矣。若晉取虞，而明德以薦馨香，神其吐之乎？弗聽。許晉使宮之奇以其族行，曰：虞不臘矣，在此行也。晉不更舉矣。八月甲午，晉侯圍上陽，問于卜偃曰：吾其濟乎？對曰：克之。公曰：何時？對曰：童謠云：丙之晨，龍尾伏辰，均服振振，取虢之旂。鶉之賁賁，天策焯焯，火中成軍，虢公其奔。其九月十月之交乎？丙子旦日在尾，月在策，鶉火中，必是時也。冬十

虞師晉師滅
下陽

二月丙子朔晉滅虢。虢公醜奔京師。師還館于虞。遂襲虞。滅之。執虞公及其大夫井伯以勝秦穆姬而修虞祀。且歸其職貢于王。故書曰晉人執虞公。罪虞且言易也。公羊子曰。虞微國也。曷爲序乎大國之上。使虞首惡也。曷爲使虞首惡。虞受賂假滅國者。道以取亡焉。其受賂奈何。獻公朝諸大夫而問焉。曰。寡人夜者寢而不寐。其意也何。諸大夫有進對者曰。寢不安與其諸侍御有不在側者與。獻公不應。荀息進曰。虞郭見與。獻公揖而進之。遂與之入而謀曰。吾欲攻郭。則虞救

之攻虞則郭救之。如之何。願與子慮之。荀息對曰。君若用臣之謀。則今日取郭而明日取虞。爾君何憂焉。獻公曰。然則奈何。荀息曰。請以屈產之乘與垂棘之白玉往。必可得也。則寶出之內藏。藏之外府。馬出之內廐。繫之外廐。爾君何喪焉。獻公曰。諾。雖然。宮之奇存焉。如之何。荀息曰。宮之奇知則知矣。雖然。虞公貪而好寶。見寶必不從其言。請終以往。于是終以往。虞公見寶。許諾。宮之奇果諫。記曰。脣亡則齒寒。虞郭之相救。非相爲賜。則晉今日取郭而明日虞從而亡。爾

君請勿許也。虞公不從其言。終假之道以取郭。還四年。反取虞。虞公抱寶牽馬而至。荀息見曰。臣之謀何如。獻公曰。子之謀則已行矣。寶則吾寶也。雖然。吾馬之齒亦已長矣。蓋戲之也。夏陽者何。郭之邑也。曷爲不繫于郭國之也。曷爲國之君存焉爾。

穀梁子曰。非國而曰滅。重夏陽也。虞無師。其曰師何也。以其先晉。不可以不言師也。其先晉何也。爲主乎滅夏陽也。夏陽者。虞虢之塞邑也。滅夏陽而虞虢舉矣。虞之爲主乎滅夏陽何也。晉獻公欲伐虢。荀息曰。

君何不以屈產之乘垂棘之璧而借道乎虞也。公曰。此晉國之寶也。如受吾幣而不借吾道。則如之何。荀息曰。此小國之所以事大國也。彼不借吾道。必不敢受吾幣。如受吾幣而借吾道。則是我取之中府而藏之外府。取之中廡而置之外廡也。公曰。宮之奇存焉。必不使受之也。荀息曰。宮之奇之爲人也。達心而懦。又少長于君。達心則其言略。懦則不能強諫。少長于君則君輕之。且夫玩好在耳目之前。而患在一國之後。此中知以上。乃能慮之。臣料虞君中知以下也。公

遂借道而伐虢。宮之奇諫曰：「晉國之使者，其辭卑而幣重，必不便于虞。」虞公弗聽，遂受其幣而借之道。宮之奇諫曰：「語曰：『脣亡則齒寒。』其斯之謂與？」挈其妻子以奔曹。獻公亡虢五年而後舉虞。荀息牽馬操璧而前曰：「璧則猶是也，而馬齒加長矣。」

僖公六年春，晉侯使賈華伐屈。夷吾不能守盟而行，將奔狄。卻芮曰：「後出同走，罪也不如之。」梁、梁近秦而幸焉，乃之

梁。九年晉獻公卒，里克、丕鄭欲納文公，故以三公子

重耳夷吾之徒作亂。初，獻公使荀息傅奚齊，公疾，召之曰：「以

是藐諸孤辱在大夫其若之何稽首而對曰臣竭其股肱之力加之以忠貞其濟君之靈也不濟則以死繼之公曰何謂忠貞對曰公家之利知無不爲忠也送往事居耦俱無猜貞也及里克將殺奚齊先告荀息曰三怨將作秦晉輔之子將何如荀息曰將死之里克曰無益也荀叔曰吾與先君言矣不可以貳能欲復言而愛身乎雖無益也將焉辟之且人之欲善誰不如我我欲無貳而能謂人已乎冬十月里克殺奚齊于次書曰殺其君之子未葬也荀息將死之人曰不如立卓子而輔之

荀息克其
君卓子及其
大夫荀息

荀息立公子卓以葬十二月里克殺公子卓于朝荀息死之君子曰詩所謂白珪之玷尚可磨也斯言之玷不可爲也荀息有焉

公羊子曰及者何累也弑君多矣舍此無累者乎曰有有孔父仇牧皆累也舍孔父仇牧無累者乎曰有有則此何以書賢也何賢乎荀息荀息可謂不食其言矣其不食其言奈何奚齊卓子者驪姬之子也荀息傳焉驪姬者國色也獻公愛之甚欲立其子于是殺世子申生申生者里克傳之獻公病將死謂荀息曰

士何如則可謂之信矣。荀息對曰：使死者反生，生者不愧乎其言，則可謂信矣。獻公死，奚齊立，里克謂荀息曰：君殺正而立不正，廢長而立幼，如之何？願與子慮之。荀息曰：君嘗訊臣矣。臣對曰：使死者反生，生者不愧乎其言，則可謂信矣。里克知其不可，與謀退弑奚齊。荀息立卓子，里克弑卓子。荀息死之。荀息可謂不食其言矣。

穀梁子曰：稱國以殺，罪累上也。里克弑二君與一大夫，其以累上之辭言之何也？其殺之，不以其罪也。其

殺之。不以其罪。奈何。里克所爲弑者。爲重耳也。夷吾曰。是又將殺我乎。故殺之。不以其罪也。其爲重耳弑。奈何。晉獻公伐虢。得驪姬。獻公私之。有二子。長曰奚齊。稚曰卓子。驪姬欲爲亂。故謂君曰。吾夜者夢夫人趨而來。曰。吾苦畏胡。不使大夫將衛士而衛冢乎。公曰。孰可使。曰。臣莫尊于世子。則世子可。故君謂世子曰。驪姬夢夫人趨而來。曰。吾苦畏女。其將衛士而往衛冢乎。世子曰。敬諾。築宮。宮成。驪姬又曰。吾夜者夢夫人趨而來。曰。吾苦飢。世子之宮已成。則何爲不使

祠也。故獻公謂世子曰：其祠。世子祠已。祠致福于君。君田而不在。驪姬以酖爲酒。藥脯以毒。獻公田來。驪姬曰：世子已祠。故致福于君。君將食。驪姬跪曰：食自外來者。不可不試也。覆酒于地。而地墳。以脯與犬。犬死。驪姬下堂而啼呼曰：天乎。天乎。國子之國也。子何遲于爲君。君喟然歎曰：吾與女未有過切。是何與我之深也。使人謂世子曰：爾其圖之。世子之傅里克謂世子曰：入自明。入自明則可以生。不入自明則不可以生。世子曰：吾君已老矣。已昏矣。吾若此而入自明。

則驪姬必死。驪姬死則吾君不安。所以使吾君不安者。吾不若自死。吾寧自殺以安吾君。以重耳爲寄矣。勿脰而死。故里克所爲弑者。爲重耳也。夷吾曰。是又將殺我也。

僖公十年。周公忌父。王子黨會齊隰朋立晉侯。晉侯殺里克。以說將殺里克。公使謂之曰。微子則不及此。雖然。子弑二君與一大夫。爲子君者。不亦難乎。對曰。不有廢也。君何以興。欲加之罪。其無辭乎。臣聞命矣。伏劒而死。于是平鄭聘于秦。且謝緩賂。故不及。晉侯改葬共太子。秋。

狐突適下國遇犬子犬子使登僕而告之曰夷吾無禮。余得請于帝矣。將以晉畀秦。秦將祀余。對曰。臣聞之神不歆非類。民不祀非族。君祀毋乃殄乎。且民何罪。失刑之祀。君其圖之。君曰。諾。吾將復請。七日。新城西偏將有巫者而見我焉。許之。遂不見。及期而往。告之曰。帝許我。罰有罪矣。敝于韓。

僖公十七年

夏。晉犬子圉爲質于秦。秦

歸河東而妻之。

秦征河東置官司

惠公之在梁也。

惠公以六年奔梁

伯妻之梁嬴。孕過期。

過十月不產。懷子曰孕。

卜招父。

梁大夫

與其子

卜之。其子曰。將生一男一女。招曰。然。男爲人。臣女爲人。

妾故名男曰圉女曰妾及子圉西質妾為宦女焉

僖公

二十二年晉犬子圉為質于秦將逃歸謂羸氏曰與子歸乎

對曰子晉犬子而辱于秦子之欲歸不亦宜乎寡君之

使婢子侍執巾櫛以固子也從子而歸弃君命也不敢

從亦不敢言遂逃歸

僖公二十三年

九月晉惠公卒懷公命

無從亡人

重耳

期期而不至無赦狐突之子毛及偃

子從犯

重耳在秦弗召冬懷公執狐突曰子來則免對曰子之

能仕父教之忠古之制也策名委質貳乃辟也今臣之

子名在重耳有年數矣若又召之教之貳也父教子貳

何以事君刑之不濫。君之明也。臣之願也。淫刑以逞。誰則無罪。臣聞命矣。乃殺之。晉公子重耳之及于難也。晉人伐諸蒲城。蒲城人欲戰。重耳不可。曰。保君父之命。而享其生祿。于是乎得人。有人而校。罪莫大焉。吾其奔也。遂奔狄。從者狐偃。趙衰。顛頡。魏武子。司空季子。狄人伐廬咎如。獲其二女。叔隗。季隗。納諸公子。公子取季隗。生伯儵。叔劉。以叔隗妻趙衰。生盾。將適齊。謂季隗曰。待我二十五年。不來而後嫁。對曰。我二十五年矣。又如是而嫁。則就木焉。請待子。處狄十二年而行。過衛。衛文公

不禮焉。出于五鹿，乞食于野人。野人與之塊。也。土。公子怒，欲鞭之。子犯曰：「天賜也，稽首受而載之。」及齊，齊桓公妻之，有馬二十乘。公子安之。從者以爲不可，將行，謀于桑下。蠶妾在其上，以告姜氏。姜氏殺之，而謂公子曰：「子有四方之志，其聞之者吾殺之矣。」公子曰：「無之。」姜曰：「行也。」懷與安實敗名公子，不可。姜與子犯謀醉而遣之。醒以戈逐子犯。及曹，曹共公聞其駢脅，欲觀其裸，浴薄而觀之。僖負羈之妻曰：「吾觀晉公子之從者，皆足以相國，若以相夫子，必反其國。反其國，必得志于諸侯。得志于諸侯，」

侯而誅無禮曹其首也。子盍蚤自貳焉。乃饋盤餐。真璧焉。公子受餐。反璧。及宋。宋襄公贈之以馬二十乘。及鄭。鄭文公亦不禮焉。叔詹諫曰。臣聞天之所啓人弗及也。晉公子有三焉。天其或者將建諸。君其禮焉。男女同姓。其生不蕃。晉公子姬出也。而至于今。一也。離外之患。而天不靖晉國。殆將啓之。二也。有三士。狐偃趙衰賈佗足以上人而從之。三也。晉鄭同儕。其過子弟。固將禮焉。況天之所啓乎。弗聽。及楚楚子饗之。曰。公子若反晉國。則何以報。不穀對曰。子女玉帛。則君有之。羽毛齒革。則君地生焉。

其波及晉國者君之餘也。其何以報君？曰：雖然，何以報我？對曰：若以君之靈，得反晉國，晉楚治兵，過于中原，其辟君三舍。若不獲命，其左執鞭弭，右屬橐鞬，以與君周旋。子玉請殺之。楚子曰：晉公子廣而儉，文而有禮，其從者肅而寬，忠而能力。晉侯無親，內外惡之。吾聞姬姓，唐叔之後，其後衰者也。其將由晉公子乎？天將與之，誰能廢之？違天必有大咎。乃送諸秦。秦伯納女五人，懷嬴與焉。奉匭沃盥，既而揮之，怒曰：秦晉匹也，何以卑我？公子懼，降服而囚。他日，公享之。子犯曰：吾不如衰之文也，請

使衰從公子賦河水公賦六月趙衰曰重耳拜賜公子
降拜稽首公降一級而辭焉衰曰君稱所以佐天子者
命重耳重耳敢不拜傳公二十四年春王正月秦伯納之不
書不告入也及河子犯以璧授公子曰臣負羈縻從君
巡于天下臣之罪甚多矣臣猶知之而況君乎請由此
亡公子曰所不與舅氏同心者有如白水投其璧于河
濟河圍令狐入桑泉取曰衰二月甲午晉侯軍于廋柳
秦伯使公子繫如晉師師退軍于郇辛丑狐偃及秦晉
之大夫盟于郇壬寅公子入于晉師丙午入于曲沃丁

未朝于武宮。戊申，使殺懷公于高粱。不書，亦不告也。呂

卻

呂甥卻芮
惠公舊臣

畏，偪將焚公宮而弑晉侯。寺人披勸請見公。

使讓之，且辭焉，曰：「蒲城之役，君命一宿，女即至。其後余

從狄君，以田渭濱。女爲惠公來求殺余，命女三宿，女中

宿至。雖有君命，何其速也。夫袪猶在，女其行乎？」對曰：「臣

謂君之入也，其知之矣。若猶未也，又將及難。君命無二，

古之制也。除君之惡，唯力是視。蒲人狄人，余何有焉？今

君即位，其無蒲狄乎？齊桓公置射鉤而使管仲相，君若

易之，何辱命焉？行者甚衆，豈唯刑臣？公見之以難，告三

月晉侯潛會秦伯于王城己丑晦公宮火瑕甥卻芮不獲公乃如河上秦伯誘而殺之晉侯逆夫人嬴氏以歸

穆公女秦伯送衛于晉三千人實紀綱之僕初晉侯之

豎頭須守藏者也其出也竊藏以逃盡用以求納之及

入求見公辭焉以沐謂僕人曰沐則心覆心覆則圖反

宜吾不得見也居者為社稷之守行者為羈紲之僕其

亦可也何必罪居者國君而讎匹夫懼者甚眾矣僕人

以告公遽見之狄人歸季隗于晉而請其二子伯鯨叔劉

文公妻趙衰文公以女妻秦生原同屏括樓嬰趙姬即文公女請逆

盾與其母子餘字衰辭姬曰得寵而忘舊何以使人必逆之固請許之來以盾爲才固請于公以爲嫡子而使其三子下之以叔隗爲內子而已下之晉侯賞從亡者介之推不言祿祿亦弗及推曰獻公之子九人唯君在矣惠懷無親外內奔之天未絕晉必將有主主晉祀者非君而誰天實置之而二三子以爲已力不亦誣乎竊人之財猶謂之盜況貪天之功以爲已力乎下義其罪上賞其姦上下相蒙難與處矣其母曰盍亦求之以死誰對對曰尤而效之罪又甚焉且出怨言不食其祿其

母曰亦使知之若何對曰言身之文也身將隱焉用文之是求顯也其母曰能如是乎與女偕隱遂隱而死晉侯求之不獲以縣上爲之田曰以志吾過且旌善人

僖公二十七年

楚子將圍宋使子文治兵于睢終朝而畢不僂

一人子玉復治兵于蔿終日而畢鞭七人貫三人耳國老皆賀子文子文飲之酒蔿尚幼後至不賀子文問之對曰不知所賀子之傳政于子玉曰以靖國也靖諸內而敗諸外所獲幾何子玉之敗子之舉也舉以敗國將何賀焉子玉剛而無禮不可以治民過三百乘其不

能以入矣。苟入而賀。何後之有。冬。楚子及諸侯圍宋。宋公孫固如晉告急。先軫曰。報施救患。取威定霸。于是乎在矣。狐偃曰。楚始得曹而新昏于衛。若伐曹衛。楚必救之。則齊宋免矣。于是乎蒐于被廬。作三軍。謀元帥。趙衰曰。卻縠可。臣亟聞其言矣。說禮樂而敦詩書。義之府也。禮樂德之則也。德義利之本也。夏書曰。賦納以言。明試以功。車服以庸。君其試之。乃使卻縠將中軍。卻縠佐之。使狐偃將上軍。讓于狐毛。而佐之。命趙衰爲卿。讓于欒枝。先軫使欒枝將下軍。先軫佐之。荀林父御戎。魏

犇爲右晉侯始入而教其民二年欲用之子犯曰民未知義未安其居于是乎出定襄王入務利民民懷生矣將用之子犯曰民未知信未宣其用于是乎伐原以示之信民易資者不求豐焉明徵其辭公曰可矣乎子犯曰民未知禮未生其共于是乎大蒐以示之禮作執秩以正其官民聽不惑而後用之出穀成釋宋圍一戰而霸文之教也

僖公二十八年

晉侯圍曹門焉多死曹人尸諸

城上晉侯患之聽輿人之謀曰稱舍于墓

將發冢

師遷焉

曹人兇懼爲其所得者棺而出之因其兇也而攻之三

月丙午入曹數之以其不用僖負羈而乘軒者三百人也。且曰獻狀令無入僖負羈之宮而免其族報施也。魏犇顓怒曰勞之不圖報于何有。燕僖負羈氏魏犇傷于胃公欲殺之而愛其材使問且視之病將殺之。魏犇束冑見使者曰以君之靈不有寧也。距躍三百曲踊三百乃舍之。殺顓頤以徇于師立舟之僑以爲戎右。宋人使門尹般如晉師告急。公曰宋人告急舍之則絕告楚不許。我欲戰矣齊秦未可。若之何。先軫曰使宋舍我而賂齊秦藉之告楚。我執曹君而分曹衛之田以賜宋人。

楚愛曹衛必不許也。喜賂怒頑，能無戰乎？公說，執曹伯，分曹衛之田以畀宋人。楚子入居于申，使申叔去穀，使子玉去宋，曰：「無從晉師。晉侯在外十九年矣，而果得晉國，險阻艱難備嘗之矣。民之情僞盡知之矣。天假之年，而除其害，天之所置，其可廢乎？」軍志曰：「允當則歸。」又曰：「知難而退，又曰：『有德不可敵。』」此三志者，晉之謂矣。子玉使伯棼請戰，曰：「非敢必，有功也。願以間執讒慝之口。」王怒，少與之師。唯西、廣東宮與若敖之六卒實從之。子玉使宛春告于晉師，曰：「請復衛侯而封曹，臣亦釋宋之圍。」

子犯曰子玉無禮哉。君取一，臣取二，不可失矣。先軫曰：子與之定，人之謂禮。楚一言而定三國，我一言而亡之。我則無禮，何以戰乎？不許楚言，是弃宋也。救而弃之，謂諸侯何？楚有三施，我有三怨。怨讎已多，將何以戰？不如私許復曹衛以攜之，執宛春以怒楚。旣戰而後圖之。公說，乃拘宛春于衛，且私許復曹衛。曹衛告絕于楚，子玉怒，從晉師。晉師退，軍吏曰：以君辟臣辱也，且楚師老矣。何故退？子犯曰：師直爲壯，曲爲老。豈在久乎？徼楚之惠，不及此退，三舍辟之，所以報也。背惠食言，以亢其讎，我

曲楚直其衆素飽不可謂老我退而楚還我將何求若
其不還君退臣犯曲在彼矣退三舍楚衆欲止子玉不
可夏四月戊辰晉侯宋公齊國歸父崔夭秦小子憖次
于城濮楚師背鄩而舍晉侯患之聽與人之誦曰原田
每每舍其舊而新是謀公疑焉子犯曰戰也戰而捷必
得諸侯若其不捷表裏山河必無害也公曰若楚惠何
欒貞子曰漢陽諸姬楚實盡之思小惠而忘大恥不如
戰也晉侯夢與楚子搏楚子伏已而監其腦是以懼子
犯曰吉我得天楚伏其罪吾且柔之矣子玉使鬬勃請

戰曰請與君之士戲君馮軾而觀之得臣

子玉名

與寓目

焉晉侯使欒枝對曰寡君聞命矣楚君之惠未之敢忘
是以在此爲大夫退其敢當君乎旣不獲命矣敢煩大
夫謂二三子戒爾車乘敬爾君事詰朝將見晉車七百
乘鞞鞞鞅鞞晉侯登有莘之虛以觀師曰少長有禮其
可用也遂伐其木以益其兵已巳晉侯陳于莘北胥臣
以下軍之佐當陳蔡子玉以若敖之六卒將中軍曰今
日必無晉矣子西將左子上將右胥臣蒙馬以虎皮先
犯陳蔡陳蔡奔楚右師潰狐毛設二旆而退之欒枝使

輿曳柴而偽遁、楚師馳之、原軫卻縠、以中軍公族橫擊之、狐毛狐偃以上軍夾攻子西、楚左師潰、楚師敗績、子玉收其卒而止、故不敗晉師、三日館穀、取穀于敵及癸酉而還、甲午至于衡雍、作王宮于踐土、鄉役之三月、鄭伯如楚、致其師、爲楚師旣敗而懼、使子人九行成于晉、晉樂枝入盟鄭伯、五月丙午、晉侯及鄭伯盟于衡雍、丁未、獻楚俘于王、駟介百乘、徒兵千、鄭伯傅王、用平禮也、巳酉、王享禮、命晉侯宥、助以東帛王命尹氏及王子虎、內史叔興父、策命晉侯爲侯、伯、賜之大輅之服、戎輅之服、彤弓一、

彤矢百、絃弓矢千、秬鬯一、卣、虎賁三百人。曰：王謂叔父敬服王命，以綏四國。糾逖王慝。晉侯三辭從命，曰：重耳敢再拜稽首，奉揚天子之丕顯休命。受策以出，出入三覲。衛侯聞楚師敗懼，出奔楚，遂適陳，使元咺奉叔武以受盟。癸亥，王子虎盟諸侯于王庭，要言曰：皆獎王室，無相害也。有渝此盟，明神殛之，俾隊其師，無克祚國。及其玄孫，無有老幼。君子謂是盟也信。謂晉于是役也能以德攻。初，楚子玉自爲瓊弁玉纓，未之服也。先戰，夢河神謂己曰：界余余，賜女孟諸之麋，弗致也。大心子玉與

子西使榮黃諫弗聽。榮季曰：死而利國，猶或爲之。況瓊玉乎？是糞土也，而可以濟師，將何愛焉？弗聽。出告二子曰：非神敗令尹，令尹其不勤民，實自敗也。旣敗，王使謂之曰：大夫若入，其若申息之老何？子西孫伯卽大曰：得臣將死，二臣止之曰：君其將以爲僂，及連穀而死。晉侯聞之而後喜可知也。曰：莫余毒也已。爲呂臣實爲令尹奉已而已，不在民矣。城濮之戰，晉中軍風于澤，亡大旆之左旃，祁瞞奸命，司馬殺之以徇于諸侯，使茅茷代之。師還，壬午濟河，舟之僑先歸。士會攝右。秋七月丙申，

傳公三十一
年晉蒐于清
原作五軍以
禦狄趙衰為
卿

晉襄公

振旅愷以入于晉獻俘授馘飲至大賞徵會討貳殺舟

之僑以徇于國民于是大服君子謂文公其能刑矣三

罪顛頤祁驥舟之僑而民服詩云惠此中國以綏四方不失賞

刑之謂也是會也晉侯召王以諸侯見且使王狩仲

尼曰以臣召君不可以訓故書曰天王狩于河陽言非

其地也且明德也壬申公朝于王所傳公三十二年冬晉文

公卒庚辰將殯于曲沃出絳柩有聲如牛卜偃使大夫

拜曰君命大事將有西師過軼我擊之必大捷焉明年敗秦

師于殺傳公三晉侯敗狄于箕卻缺獲白狄子先軫曰

左氏條貫卷十一晉

書

匹夫逞志于君

以釋三師不顧而唾

而無討敢不自討乎免胄入

狄師死焉狄人歸其元

首也

而如生初曰季

胥

使過冀見

冀缺

卽郤缺

耨其妻饁之敬相待如賓與之歸言于文公

曰敬德之聚也能敬必有德德以治民君請用之文公

以爲下軍大夫反自箕襄公以三命命先且居

先軫將

中軍以再命命先茅之縣賞胥臣曰舉郤缺子之功也

以一命命郤缺爲卿復與之冀

缺父冀芮欲殺文公故失地至是還之

亦

未有軍行

文公二年

戰于殺也晉梁弘御戎萊駒爲右戰

之明日晉襄公縛秦囚使萊駒以戈斬之囚呼萊駒失

戈狼臆取戈以斬囚禽之以從公乘遂以爲右箕之役

僖公三十三年

先軫黜之而立續簡伯狼臆怒其友曰盍死之

臆曰吾未獲死所其友曰吾與汝爲難臆曰周志有之

勇則害上不登于明堂死而不義非勇也共用之謂勇

吾以勇求右無勇而黜亦其所也謂上不我知黜而宜

乃知我矣子姑待之及彭衙旣陳以其屬馳秦師死焉

晉師從之大敗秦師君子謂狼臆于是乎君子詩曰君

子如怒亂庶遄沮又曰王赫斯怒爰整其旅怒不作亂

而以從師可謂君子矣

文公五年

晉陽處父聘于衛反過

甯甯羸從之。及溫而還。其妻問之。羸曰。以剛商書曰。沈
潛剛克。高明柔克。夫子壹之。其不沒乎。天爲剛德。猶不
干時。況在人乎。且華而不實。怨之所聚也。犯而聚怨。不
可以定身。余懼不獲其利而離其難。是以去之。

左氏條貫卷十一

男官賀校字